



PRÆFATIO

AD

LECTOREM BENEVOLVM.

Iudicio tuo submitto libellum, quo, de Dicecesi et Hierarchia Fuldensi nuper edita quid sentiam, exposui. Tuum erit edicere, an operæ pretium fecerim. Constitueram primum Schediasmati levidensi nomen quidem meum præfigere; unde, ut eo melius laterem, Cap. XIX, me ipsum in testimonium allegavi. Sed cum intelligerem, alios etiam in arenam descendisse, et in paradoxa Schannatiana stylum strinxisse, consilium abjeci, et, quis essem, ingenue professus sum, ne ab exteris aliena fortassis laureola donarer. Cl. Schannati sedulitatem in detegendis vetustis monumentis laudo. In Diplomatum vero genuinorum et falsorum discretionem ipsum cespitasse, non miror. Integrum hæc studia exposcunt hominem, notitiam plurium Archivorum et apparatus librorum, quibus eum caruisse scio. Ardor etiam Principibus et patronis suis strenue inserviendi nonnunquam vel acutissimis oculis nubeculas objicit, ut putent se cernere, quæ ne vident quidem. Humana hæc sunt. Mihi in rebus hujus generis qualiscunque plurium annorum experientia et animus amore et odio procul est. Dico sincere, quid mihi, secundum regulas ad judicanda Diplomata, communi doctorum virorum consensu, receptas aut certe recipiendas, de Chartis et Bullis Schannatianis videatur. In medium affero, quæ de rebus Fuldensibus auctores coævi et monumenta fide digna me docuerunt. Nec ægre feram, si ea, qua egi, modestia et solidis argumentis contrarium